



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XLI. Gregorii Papae I. Ad Leandrvm Episcopvm Hispalensem. De
Reccaredo rege, & de trina mersione baptismi.

urn:nbn:de:hbz:466:1-15221

EPISTOLA XLI.

GREGORII PAPÆ I.

AD LEANDRVM EPISCOPVM HISPALENSEM.

De Reccaredo rege, & de trina mersione baptismi.

Gregorius Leandro episcopo Hispalensi.

RESPONDERE epistolis vestris tota intentione voluisssem, nisi pastoralis curæ ita me labor attereret, vt mihi magis flere libeat, quam aliquid dicere. Quod vestra quoque reuerentia in ipso literarum mearum textu vigilantè intelligit, quando ei negligenter loquor, quem vehementer diligo. Tantis quippe in hoc loco huius mundi fluctibus quator, vt vetustam ac putrescentem nauem, quam regendam occulta Dei dispensatione suscepi, ad portum dirigere nullatenus possim. Nunc ex aduerso fluctus irruunt, nunc ex latere cumuli spumosi maris intumescunt, nunc a tergo tempestas insequitur. Interque hæc omnia turbatus cogor modo in ipsam clauum aduersitatem dirigere, modo incuruato nauis latere, minas & impetum fluctuum ex obliquo declinare. Ingemisco, quia sentio quod negligente me crescit sentina vitiorum, & tempestate fortiter obuiante, iamiamque putridæ naufragium tabulæ sonant. Flens reminiscor, quod perdidit meæ placidum litus quietis, & suspirando terram conspicio, quam tamen rerum ventis aduersantibus tenere non possum. Si ergo me, frater carissime, diligis, tuæ mihi orationis in his fluctibus manum tende, vt quo laborantem me adiuuas, ex ipsa vice mercedis in tuis quoque laboribus valentior existas. Explere autem loquendo nullatenus valeo gaudium meum, quod communem filium Reccaredum gloriosissimum regem ad catholicam fidem integerrima agnoui deuotione conuersum. Huius dum mihi per scripta vestra mores exprimitis, amare me etiam quem nescio fecistis. Sed quia antiqui hostis insidias scitis, quoniam bellum durius contra victores proponit, nunc erga eundem solertius sanctitas vestra euigilet, vt bene coepta perficiat, nec se de perfectis bonis operibus extollat, vt fidem cognitam vitæ quoque meritis teneat: & quia æterni regni ciuis sit operibus ostendat: quate-

Conc. IV.
Tol. c. 5.
Grat. de
conf. dist.
3. cap. 8.
Luo p. 1. c.
130.
Pan. lib. 1.
cap. 60.

nus post multa annorum curricula, de regno ad regnum transeat. De trinâ vero mersione baptismatis, nil responderi verius potest quam quod ipsi sensistis: quia in vna fide nihil officit sanctæ ecclesiæ consuetudo diuersa. Nos autem quod tertio mergimus, triduanâ sepultura sacramenta signamus, vt dum tertio infans ab aquis educitur, resurrectio triduanî temporis exprimat. Quod si quis forte etiam pro summâ trinitatis veneratione æstimet fieri, neque ad hoc aliquid obsistit, baptizando semel in aquis mergere: quia dum in tribus personis vna substantia est, reprehensibile esse nullatenus potest, infantem in baptisate in aquam vel ter vel semel immergere, quando & in tribus mersionibus personarum trinitas, & in vna potest diuinitatis singularitas designari. Sed quia nunc hucusque ab hæreticis infans in baptisate tertio mergebatur, fiendum apud vos esse non censeo: ne dum mersiones numerant, diuinitatem diuidant: dumque quod faciebant faciunt, se morem nostrum vicisse gloriantur. Dulcissimæ autem mihi fraternitati vestræ codices direxi, quorum notitiam subter inserui. Ea autem quæ in beati Iob expositione dicta fuerant, & vobis dirigenda scribitis, quia hæc verbis sensibusque petentibus per homilias direxeram, vt cumque studui in librorum ductum permutare, qui nunc adhuc a librariis conscribuntur. Et nisi portitoris præsentium me festinatio coangustasset, cuncta vobis transmittere sine aliqua imminutione voluissem: maxime quia & hoc ipsum opus ad vestram reuerentiam scripsi, vt ei, quem præ ceteris diligo, in meo iudicer labore desudasse. Præterea si vobis indulgeri tempora ab ecclesiastica occupatione cognoscitis, quid sit iam faciendum scitis, quamuis etiam absentem corpore, præsentem mihi te semper intueor, quia vultus tui imaginem intra cordis viscera impressam porto. Data mense Maii.